

四庫全書

集部

欽定四庫全書

御定全唐詩卷三百七十六

孟郊

汝州南潭陪陸中丞公讌

一雨百泉漲南潭夜來深分明碧沙底寫出青天心遠

客洞庭至因茲滌煩襟既登飛一作青雲舫願奏清風琴

高岸立旗戟潛蛟失一作互浮沉威稜護斯浸魍魎逃所

侵山態變初霽水聲流新音耳目極眺聽潺湲與嶽岑

誰言柳太守空有白蘋吟

汝州陸中丞席喜張從事至同賦十韻

汝水無濁波汝山饒奇石大賢為此郡佳士來如積有
客乘白駒奉義愜所適清風蕩華館雅瑟泛瑤席芳醕
靜無喧金尊光有滌縱情孰慮損聽論自招益願折若
木枝却彼曜靈夕貴賤一相接憂悰忽轉易會合勿言
輕別離古來惜請君駐征車良遇難再覩

夜集汝州郡齋聽陸僧辯彈琴

康樂寵詞客清宵意無窮徵文北山

一作窗

外借月南樓

中千里愁併盡

一作寂然靜

一樽歡暫同胡為憂楚琴

一作瑟

浙瀝起寒風

同年春燕

少年三十士嘉會良在茲高歌搖春風醉舞摧花枝意
蕩腕晚景喜凝芳菲時馬跡攢騷裊樂聲韻參差視聽
改舊趣物象含新姿紅雨花上滴綠烟柳際垂淹中講
精義南皮獻清詞前賢與今人千載為一期明鑒有皎

潔澄

一作良

玉無磷緇永與

一作將

沙泥別各整雲

一作霄

漢

儀盛氣自中積英名日四馳塞鴻絕儔匹海月難等夷

鬱抑

一作折

忽已盡親朋樂無涯幽蘅發空曲芳杜綿所

思浮跡自聚散壯心誰別離願保金石志無令有奪移

羅氏花下奉招陳侍御

眼在

一作見

枝上春落地成埃塵不是風流者誰為攀折

人寧辭波浪濶莫道往來頻拾紫豈宜晚掇芳須及晨

勞收賈生淚強起屈平身花下本無俗酒中別有神遊

蜂不飲故戲蝶亦爭新萬物盡如此過時非所珍

遊石龍澗

自註四辟千
仞散泉如雨

石龍不見形石雨如散星山下晴皎皎山中陰泠泠水
飛林木杪珠綴莓苔屏畜異物皆別當晨景欲暝泉芳
春氣碧松月寒色青險一作陰力此獨壯猛獸亦不停日
莫且迴去浮心恨一作尚未寧

浮石亭

曾是風雨力崔巍漂來時落星夜皎潔近榜朝逶迤翠

漱遞明滅清潔瀉歆危况逢蓬島仙會合良在茲

看花

家家有芍藥不妨至溫柔溫柔一同女紅笑笑不休月

娥雙雙下楚艷枝枝浮洞裏逢仙人

一作幸逢仙人立

綽約青

一作清宵遊

芍藥誰為壻人人不敢來唯應待詩老日日殷勤開玉
立無氣力春凝且裴徊將何謝青春痛飲一百杯

芍藥吹欲盡無奈曉風何餘花欲誰待唯待諫郎過諫

郎不事俗黃金買高歌高歌夜更清花意晚更多

一本連下

飲之四句
作一首

飲之不見底醉倒深紅波紅波蕩諫心諫心終無它獨

遊終難醉挈榼徒經過問花不解語勸得酒無多

獨遊四句

洪邁取
為絕句

三年此村落春色入心悲料得一孀婦經

一作
宅

時獨淚

垂

濟源春

太行橫偃脊百里芳崔巍濟濱花異顏枋口雲如裁新
畫彩色濕上界光影來深紅縷草木淺碧珩沂洄千家
門前飲一道傳契杯玉鱗吞金鉤仙璇琉璃開朴童茂
言語善俗無驚猜狂吹寢怕宴曉清夢先回治生鮮惜
夫積學多深材再遊詎癩憇一洗驚塵埃

濟源寒食

風巢嫋嫋春鷓鷯無子老人仰面嗟柳弓葦箭一作蒿矢覩
不見高紅遠綠勞相遮

女嬋

一作蟬

童子黃短短耳中聞人惜春晚
逃蜂匿蝶踏

地

一作花

來拋却齋

一作黃

糜一瓷椀

一日踏春一百回
朝朝沒脚走芳埃
饑童餓馬埽花餵
向晚飲溪三兩杯

莓苔井上空相憶
轆轤索斷無消息
酒人皆倚春髮綠
病叟獨藏秋髮白

長安落花飛上天
南風引至三殿前
可憐春物亦朝謁

唯我孤

一作獨

吟渭

一作濟

水邊

枋口花間

一作開

掣手歸嵩陽

一作山

為

一作與

我留

一作駐

紅

暉可憐躑躅千萬尺
柱地柱天疑

一作今

欲飛

蜜蜂為主各磨牙
咬盡村中萬木花
君家甕甕今應滿

五色冬籠甚可誇

遊枋口

一步復一步出行

一作行踏

千里幽為取山水意
故作寂寞

遊太行青巔高枋口
碧照浮明明無底
鏡泛泛忘機鷗
老逸不自限病狂不可周
恣閒饒淡薄
忘玩多淹留芳

物競晚晚綠梢挂新柔
和友鶯相遶言語亦以稠

一作和友

鶻相遠飛
鷹亦以稠

始知萬類然靜躁難相求

聳我殘病骨健如一仙人鏡中照千里鏡浪洞百神此
神日月華不作尋常春三十夜皆明四時晝恒新鳥聲
盡依依獸心亦忻忻澄幽出所怪閃異坐微網可來復
可來此地靈相親

與王二十一員外涯遊枋口柳溪

萬株古柳根擎此磷磷溪野榜多屈曲仙澗無端倪春

桃散紅烟寒竹含晚淒曉聽忽以異芳樹安能齊共疑
落鏡中坐泛紅景低水意酒易醒浪情事非迷小儒峭
章句大賢嘉提攜潛竇韻靈瑟翠崖鳴玉珪主人稷尚
翁德茂芝朮畦鑿出幽隱端氣象皆升躋曾是清樂抱
建茲幾省溪宴位席蘭草濫觴驚鳧鷖靈味薦魴辦金
花屑橙盞江調擺衰俗洛風遠塵泥徒言奏狂狷詎敢
忘筌蹄

與王二十一員外涯遊昭成寺

洛友寂寂約省騎霏霏塵遊僧步晚磬話茗合一作合芳

春

一作茵

瑤策冰入手粉屏畫瑩神頰廊芙蓉霽碧殿瑠

璃勺

一作津

玄講島

一作海

嶽盡淵詠文字新屢笑寒竹讌

況接青雲賓顧慙餘眷下衰瘵嬰殘身

嵩少

沙彌舞袈裟走向躑躅飛閒步亦惺惺芳援相依依噎
塞春咽喉蜂蝶事光輝羣嬉且已晚孤引將何歸流艷
去不息朝英亦疎微

旅次洛城東水亭

水竹色相洗碧花動軒楹自然逍遙風蕩滌浮競情霜
落葉聲燥景寒人語清我來招隱亭衣上塵暫輕

洛橋晚望

天津橋下水初結洛陽陌上人行絕榆柳蕭疎樓閣閒
月明直見嵩山雪

北郭貧居

進乏廣莫力退為蒙籠
一作居三年失意歸四向相識

踈地僻草木壯荒條扶我廬夜貧燈燭絕明月照吾書
欲識貞靜操秋蟬飲清虛

題陸鴻漸上饒新開山舍

驚彼武陵狀移歸此巖邊開亭擬貯雲鑿石先得泉嘯
竹引一作索清吹吟花成一作討新篇乃知高潔情擺落區

中緣

題韋承總吳王故城下幽居

自註韋生相門子孫

才飽身自貴巷荒門豈貧韋生堪繼相孟子願依鄰夜

思琴

一作酒

語切畫情茶味新
霜枝留過鵲

一作鶴

風竹掃

蒙塵郢唱一聲發
吳花千片春
對君何所得
歸去覺情

真

一作貞

蘇州崑山惠聚寺僧房

昨日到上方
片雲挂

一作封

石牀錫杖莓苔青
袈裟松栢

香晴磬無短韻
古燈含永光
有時乞鶴歸
還訪

一作放

道

遙場

題從叔述靈巖山壁

換却世上心獨起山中情露衣涼且鮮雲策高復輕喜
見夏日來變為松景清每將逍遙聽不厭颼颼聲遠念
塵末宗未踈俗間名桂枝一作科妄舉手一作意萍路空勞
生仰謝開淨弦相招時一鳴

題林校書花嚴寺書窗

隱詠不誇俗問禪徒淨居翻將白雲字一作寺寄向青蓮

書擬古投松坐就明開紙疏昭昭一作綿綿南山景獨與心

相如

藍溪元居士草堂

市井不容義義歸山谷中
夫君宅松桂招我棲蒙籠
人朴情慮肅境閒視聽空
清溪宛轉水脩竹徘徊風木倦
採樵子土勞稼穡翁讀書業雖異敦本志亦同
藍岸青漠漠藍峰碧崇崇
日昏各命酒一作返寒蛩鳴蕙叢一作寒鹿

鳴荒叢

新卜清羅幽居奉獻陸大夫

黔婁住何處仁邑無餒一作饑寒豈悟舊羈旅變為新聞

安二頃有餘食三農行可觀籠禽得高巢輟鮒還層瀾
翳翳桑柘墟紛紛田里歡兵戈忽消散耦耕非艱難嘉
木偶良酌芳陰庇清彈力農唯一事趣世徒萬端靜覺
本相厚動為末所殘此外有餘暇鋤荒出幽蘭

題韋少保靜恭宅藏書洞

高意合天製自然狀無窮仙華凝四時玉蘚生數峰書
祕漆文字匣藏金蛟龍閒一作為氣候肅開作雲雨濃
洞隱諒非久巖夢誠必通將綴文士集貫就真珠叢

生生亭

灘鬧不妨語跨溪仍

一作宜

置亭置亭帶嶮頭開窗納遙

青遙青新畫出三十六扇屏裏裏立平地稜稜浮高冥
一日數開扉仙閃目不停徒誇遠方岫曷若中峰靈拔
意千餘丈浩言永堪銘浩言無媿同媿同忍醜醒致之
未有力力在君子聽

寒溪

霜

一作露
一作路

洗水色盡寒溪見纖鱗幸臨虛空鏡照此殘

悴身潛滑不自隱
露底瑩更新
器如君子懷
曾是危陷
人始明淺俗
心夜結朝已
津淨漱一掬
碧遠消千慮
塵始知泥步
泉莫與山源隣

洛陽岸邊道孟氏莊前溪舟行素冰

一作
菱荷

折聲作青瑤

嘶綠水結綠玉白波生白珪明明寶鏡中
物物天照齊

仄步下危曲攀枯聞孀啼霜芬稍消歇

一作宿勞
蕭索歇

凝景

微茫齊癡坐直視聽戇行失蹤蹊岸童

一作
重

斲棘勞語

言多悲悽

曉飲一杯酒踏雪過清溪波瀾凍為刀剗割鳧與鷺宿
羽皆翦棄血聲沉沙泥獨立欲何語默念心酸嘶凍血
莫作春作春生不齊凍血莫作花作花發嬌啼幽幽棘
針村凍死難耕犁

篙工碓玉星一路隨迸螢朔凍哀徹底獠饞詠潛鯨冰
齒相磨嚙風音酸鐸鈴清悲不可逃洗出纖悉聽碧激
卷已盡彩縷飛飄零下躡滑不定上棲折難停哮嗶啞

呻一作啞冤仰訴何時寧

一曲一直水白龍何鱗鱗凍颼雜碎號壑音坑谷辛枒

音枒枒
棧木也

榆

古文
棧字

吃無力飛走更相仁猛弓一折絃餘喘

爭來賓大嚴此之立小殺不復陳皎皎何皎皎氤氳復
氤氳瑞晴刷日月高碧開星辰獨立兩脚雪孤吟千慮
新天機徒昭昭箕舌虛斷斷堯聖不聽汝孔微亦有臣
諫書竟成章古義終難陳

因凍死得食殺風仍不休以兵為仁義仁義生刀頭刀
頭仁義腥君子不可求波瀾抽劍冰相劈如仇讐尖雪

入魚心魚心明愀愀恍如罔兩說似訴割切由誰使異
方氣入此中土流翦盡一月春閉為百谷幽仰懷新霽
光下照疑憂愁

溪老哭甚寒涕泗冰珊珊飛死走死形雪裂紛心肝劍
刃凍不割弓弦彊難彈常聞君子武不食天殺殘斲玉
掩骼齒吊瓊哀闌干

溪風擺餘凍溪景銜明春玉消花滴滴虬解光鱗鱗懸
步下清曲消期濯芳津千里冰裂處一勺暖亦仁凝精

互相洗滌漣競將新忽如劍瘡盡初起百戰身

立德新居

立德何亭亭西南聳高隅陽崖洩春意井圃留冬蕪勝
引即紆道幽行豈通衢碧峰遠相揖清思誰言孤寺秩

雖貴家

一作未貴

濁醪良可哺

聳城架霄

一作霽

漢潔宅涵網緼開門洛北岸時鎖嵩陽

雲夜高星辰大晝長天地分厚韻屬踈語薄名謝鷺聞
茲焉有殊隔永矣難及羣

賓秩已覺厚私儲常恐多清貧聊自爾素責將如何儉
教先勉力修襟無餘佗良棲一枝木靈巢片葉荷仰笑
鷗鵬輩委身拂天波

疎門不掩水洛色寒更高曉碧流視聽夕清濯衣袍為

於一作但立仁義得一作德未覺登陟勞遠岸雪難莫一作盡勁

枝風易號一作撓霜禽各嘯侶吾亦愛吾曹

崎嶇有懸步委曲饒荒尋遠樹足良木踈巢無爭禽素
魄銜夕岸綠水生曉潯空曠伊洛視髣髴瀟湘心何必

尚遠異憂勞滿行襟

懸途多仄足崎圃無脩畦芳蘭與宿艾手擷心不迷品

子懶讀書轅駒難服犁虛食日相投一作夸腸詎能低

恥從新學游願將古農齊

都城多聳秀愛此高縣居伊雒遶街巷鴛鴦飛閭閻翠

景何的礫霜颼飄空虛突出萬家表獨治二畝蔬一作餘

一旬一手版十日九手鋤

手鋤手良一作自勗激勸亦已饒畏彼黎粟兒空資玩弄

驕夜景卧難盡晝光坐易消治舊得新義耕荒生嘉苗
鋤治苟愜適心形俱逍遙

玉蹄裂鳴水金綬忽照門拂拭貧士席拜候丞相轅

一作

軒德疎未為高禮至方覺尊豈唯耀茲日可以榮遠孫
如何一陽朝獨荷衆瑞繁

東南富水木寂寥蔽光輝此地足文字及時隘驂駢仄
雪踏為平澀行變如飛令畦生氣色嘉綠新霏微天意

資厚養賢人肯相違

自註末二章冬至日鄭
相至門以屬意在焉

御定全唐詩卷三百七十六

欽定四庫全書

御定全唐詩卷三百七十七

孟郊

西上經靈寶觀

自註觀即尹真人舊宅

道士無白髮語音

一作言

靈泉青青松多壽色白石恒夜

明放步霽霞起振衣華風生真文秘中頂寶氣浮四楹

一片古關路萬里今人行上仙不可見驅

一作孤

策徒西

征

泛黃河

誰開崑崙源流出混沌河積雨

一作羽

飛作風驚龍噴為

波湘瑟颼颼弦越賓

一作客

嗚咽歌有恨

一作雙眼

不可洗虛

此來經過

往河陽宿峽陵寄李侍御

莫天寒風悲屑屑啼鳥遶樹泉水噎行路解鞍投古

一作

石陵蒼蒼隔山見微月鷄鳴犬吠霜煙昏開囊拂巾對

盤飧人生窮達感知已明日投君申片言

鷓路溪行呈陸中丞

鷓路不可越三十六渡溪有物飲碧水高林挂青蛻歷

覽道更險驅使跡頻

一作頓

睽視聽易常主心魂互相迷

浪石忽搖動沙堤信難躋危峰紫霄外古木浮雲齊出

阻

一作祖

望汝郡大賢多招攜疲馬戀舊秣羈禽思故棲

應憐泣楚玉棄置如塵泥

獨宿峴首憶長安故人

月迴無隱物況復大江秋江城與沙村人語風颼颼峴

亭當此時故人不同遊故人在長安亦可將夢求

自商行謁復州盧使君虔

一身遠千山遠作行路人未遂東吳歸暫出西京塵仲

宣荊州客今余

一作為

竟陵賓往蹟雖不同託意皆有因

商嶺莓苔滑石坂上下頻江漢沙泥潔永日

一作水白

光景

新獨淚起殘夜孤吟望初晨驅馳竟何事章句依深仁

夢澤中行

一本無中字

楚山爭蔽虧日月無全輝楚路饒迴惑旅人有一

作多

迷

歸騏驥思北首鷓鴣願南飛我懷京洛遊未厭風塵衣

京山行

衆壘聚病馬流血不得行後路起夜色前山聞虎聲此
時遊子心百尺風中旌

旅次湘沅有懷靈均

分拙多感激久遊遵長途經過湘水源懷古方跼蹐舊
稱楚靈均此處殞忠軀側聆故老言遂得旌賢愚名參
君子場行為小人儒騷文銜貞亮體物情崎嶇三黜有

愠色即非賢哲模五十爵高秩謬膺從大夫胸襟積憂

愁容鬢復

一作先

彫枯死為不弔鬼生作猜謗徒吟澤潔

其身忠節寧見輸懷沙滅其性孝行焉能俱且聞善稱
君一何善自殊且聞過稱已一何過不渝悠哉風土人
角黍投川隅相傳歷千祀哀悼延八區如今聖明朝養
育無羈孤君臣逸雍熙德化盈紛敷巾車徇前侶白日
猶昆吾寄君臣子心戒此真良圖

過彭澤

揚帆過彭澤舟人訝歎息不見種柳人霜風空寂歷

過分水嶺

一作東嶺

山壯馬力短馬

一作路

行石齒中十步九舉轡迴環失西

東溪水變為雨懸崖陰濛濛客衣飄飄秋葛花零落風

白日捨我没

一作去

征途忽然窮

分水嶺別夜示從弟寂

一作示于孟叔

南中少平地山水重疊生別泉萬餘曲迷舟獨難行四
際亂峰合一眺千慮并潺湲冬夏冷光彩晝夜明賞心

難久勝離腸忽自驚古木搖霽色高風動秋聲

一作古木解舊

葉迴風
結秋聲

飲爾一樽酒慰我百憂輕嘉期何處定此晨堪

寄情

連州吟

春風朝夕起吹綠日日深試為連州吟淚下不可禁連

山何連連連天碧岑

一作
嶽

岑哀猿哭花死子規裂客心

蘭芷結新佩瀟湘遺舊音怨聲能翦弦坐撫零落琴

羽翼不自有相追力難任唯憑方寸靈獨夜萬里尋方

尋魂飄颻南夢山
嶠嶽髣髴驚魍魎
悉宰聞楓林正直
被放者鬼魅無所侵
賢人多安排俗士多虛欽
一作孤

懷吐明月衆毀鑠
黃金願君保玄曜
壯志無自沉
朝亦連州吟暮亦連州吟
連州果有信一紙萬里心
開緘白雲斷明月墮
衣襟南風嘶舜瑄
苦竹動猿音萬里
愁一色瀟湘雨淫淫
兩劍忽相觸雙蛟恣浮沉
闔水正迴幹倒流安可禁
空愁江海信驚浪隔相尋

旅行

楚水結冰薄楚雲為雨

一作雪

微野梅參差發旅榜道遙

歸

上河陽李大夫

上將秉神略至兵無猛

一作血

威

一作血

一作戰

威無

三軍當

一作向

嚴冬一撫勝重衣霜劍奪衆景夜星失長輝蒼鷹獨立

時惡鳥不敢飛武牢鎖天關河橋紐地機大將

一作君

奚以安守此稱者稀貧士少顏色貴門多輕肥試登山

嶽高方見草木微山嶽恩既廣草木心皆歸

投贈張端公

一作贈裴
樞端公

君子量不極，胸吞百川流。
嫉邪霜氣直，問俗春辭柔。
日

戶晝輝，靜月杯夜

一作
宵

景幽詠，驚芙蓉發笑，激風颭秋

鸞步獨無侶，鶴音仍寡儔。
幸霑分寸顧，散此千萬憂。

贈蘇州韋郎中使君

謝客吟一聲，霜落羣聽清。
文舍元氣柔，鼓動萬物輕。
嘉木依性植，曲枝亦不生。
塵埃徐庾詞，金玉曹劉名。
章句作雅正，江山益鮮明。
萍蘋一浪草，菰蒲片池榮。
曾是康

樂詠如今塞其英顧惟菲薄質亦願將此并

一作行

上張徐州

為水不入海安得浮天波為木不在山安得橫日柯再

來君子傍始覺精義

一作藝

多大德唯一施衆情自偏頗

至樂無

一作變

宮徵至聲遺謳願鼓空桑弦永使萬物

和顧已誠拙訥干名已蹉跎獻詞惟在口所欲無餘佗

乍作支泉石乍作翳松蘿一不改方圓破質為琢磨賤

子本如此大賢心若何豈是無異途異途難經過

上包祭酒

嶽嶽冠蓋彥英英文字雄瓊音獨聽時塵韻固不同春
雲生紙上秋濤起胸中時吟五君詠再舉七子風何幸
松桂侶見知勤苦功願將黃鶴翅一借飛雲空

贈別崔純亮

一本無別字

食薺腸亦苦強歌聲無歡出門即有礙誰謂天地寬有
礙非遐方長安大道傍小人智慮險平地生太行鏡破
不改光蘭死不改香始知君子心交久道益彰君心與

我懷離別俱迴遑譬如浸藥泉流苦已一作來日長忍泣

目易衰忍憂形易傷項籍豈一作非不壯賈生豈一作非不

良當其失意時涕泗各沾裳古人勸加餐一作食此餐一作

非難自強一飯九祝噎一嗟十斷腸況是兒女怨怨氣

凌彼蒼彼蒼若有知白日下清霜今朝始驚歎一作呼碧

落一作白日空茫茫

贈文應上人一作高僧贈

棲遲青山巔高靜身所便不踐有命草但飲無聲泉齋

性空轉寂學情深更專經文開貝葉衣製垂秋蓮厭此
俗人羣暫來還却旋

一作此
安禪

嚴河南

赤令風骨峭語言清霜寒不必用雄威見者毛髮攢我
有赤令心未得赤令官終朝衡門下忍志將筑彈君從
西省郎正有東洛觀洛民蕭條久感恩憫撫難苦竹聲
嘯雪夜齋聞千竿詩人偶寄耳聽苦心多端多端落杯
酒酒中方得歡隱士多飲酒此言信難刊取次令坊沽

舉止務在寬何必紅燭嬌始言清宴闌丈夫莫矜莊矜
莊不中看

贈李觀

自註觀
初登第

誰言形影親燈滅影去身誰言魚水歡水竭魚枯

一作
損

鱗昔為同恨客今為獨笑人捨予在泥轍飄跡上雲津
卧木易成蠹棄花難再春何言對芳景愁望極蕭晨埋
劍誰識氣匣弦日生塵願君語高風為余問蒼旻

吳安西館贈從弟楚客

蒙籠楊柳館中有南風生風生今為誰湘客多遠情孤
枕楚水夢獨帆楚江程覺來殘恨深一作心尚與歸路并
玉匣五弦在請君時一鳴

贈章仇將軍

將軍不誇劍才氣為英雄五嶽拽力內百川傾意中本
立誰敢拔飛文自難窮前時天地翻已有扶正功

贈道月上人

僧貌淨無點僧衣寧綴華尋常晝日行不使身影斜飯

未煮松栢坐山敷

一作邀

雲霞欲知禪隱高
緝薜為袈裟

抒情因上郎中二十二叔監察十五叔兼呈李

益端公柳縝評事

方憑指下弦寫出心中言
寸草賤子命高山主人恩
遊邊風沙意夢楚波濤
魂一日引別袂九迴沾淚痕
自悲何以然在禮闕宸昏
名利時轉甚是非宵亦喧
浮情少定主百慮隨世翻
舉此胸臆恨幸從賢哲論
明明三飛

鸞

一作步兵
與雙鸞

照物如朝暉

贈城郭道士

望裏失却山聽中遺却泉松枝休策雲藥囊翻貯錢曾
依青桂隣學得白雪弦別來

一作別

意未迴世上為隱仙

桐廬山中贈李明府

靜境無濁氛清雨零碧雲千山不隱響一葉動亦聞即
此佳志士精微誰相羣欲識楚

一作此

章句袖中蘭茝薰

獻漢南樊尚書

天下昔崩亂大君識賢臣衆木盡搖落始見竹色真兵

勢走山嶽陽光潛埃塵心開玄女符面縛清波人異俗
既從化澆風亦歸淳自公理斯郡寒谷皆變春旗影卷
赤電劍鋒匣青鱗如何高高氣作鎮楚水濱雲鏡忽開
霽一作景孤光射無垠乃知尋常鑒照影不照神

贈轉運陸中丞

掌運職既大推邪名更雄鵬飛簸曲雲鶚怒生直風投
彼霜雪令翦除荆棘叢楚倉傾向西吳米發自東帆影
咽河口車聲聳關中堯知才策高人喜道路通皆經內

史力繼得鄮侯功
萊子真一作貧為少相如未免窮衣
野菡萏書葉山梧桐不是宗匠心
誰憐久棲蓬

贈萬年陸郎中

天子憂劇縣寄深華省郎紛紛
風響珮螭螭劒開霜舊
事笑堆案新一作雜聲唯雅章
誰言百里一作步才終作橫

天梁江鴻恥承眷雲津未能翔
徘徊塵俗中短毳無輝
光

擢第後東歸書懷獻座主呂侍御一作郎

昔歲辭親淚今為戀主

一作思

泣去住情難竝別離景易

戢天矯大空鱗曾為小泉蟄幽意獨沉時震雷忽相及

神行既不宰直致

一作制

非所執至運本遺功輕生各

一作

苦自立大君思此化良佐自然集寶鏡無私光時文有

新習慈親誠志就賤子歸情急擢第謝靈臺牽衣

一作名

出皇邑行襟海日曙逸抱江風入蒹葭得

一作綠

波浪芙

蓉紅岸濕雲寺勢動搖山鐘韻噓吸舊遊期再踐懸水

得重挹松蘿雖可居青紫終當拾

古意贈梁肅補闕

曲木忌日影，讒人畏賢明。自然

一作來

照燭間，不受邪佞

輕。不有百煉火，孰知寸金精。金

一作銅

鉛正同鑪，願分精

與麤。

贈黔府王中丞楚

舊說天下山，半在黔中青。又聞天下泉，半落黔中鳴。山水千萬遠，中有君子行。儒風一以扇，汙俗心皆平。我願中國春，化從異方生。昔為陰草毒，今為陽華英。嘉實綴

綠蔓涼湍瀉清聲逍遙物景勝視聽空曠并困驥猶在
轅沉珠尚隱精路遐莫及眇泥汙日已盈歲晏將何從
落葉甘自輕

上達奚舍人

北山少日月草木苦風霜貧士在重坎食梅有酸腸萬
俗皆走圓一身一作心猶學方常恐衆毀至春葉成秋黃
大賢秉高鑒公燭無私光暗室曉未及幽行一作吟涕空

行

贈主人

斗水瀉大海不如瀉枯池
分明賢達交豈顧豪華
兒海有不足流豪有不足
資枯鱗易為水貧士易為
施幸覩君子席會將幽賤
期側聞清風議飫如一作飲
黃金卮此道與日月同光
無盡時

贈建業契公

師住青山寺清華常繞身
雖然到城郭衣上不棲塵

獻襄陽于大夫

襄陽青山郭漢江白銅堤謝公領茲郡山水無塵泥鐵
馬萬霜雪絳旗千虹霓風漪參差泛石板重疊躋舊淚
不復墮新歡居然齊還畊竟原野歸老相扶攜物色增
曖曖寒芳更萋萋淵清有遐略高躅無近蹊一作衆賦
無暴掠與
歌有安綏即此富蒼翠自然引翔棲曩遊常抱憶風好今尚
曖願言從逸轡暇日凌清溪

贈鄭夫子魴

天地入胸臆吁嗟生風雷文章得其微物象由我裁宋

玉逞大句李白飛
狂才苟非聖賢心
孰與造化該勉矣
鄭夫子驪珠今始胎

大隱坊

一作大
隱詠

崔從事郎以直隳職

一作
官

古人留清風千載遙
贈君破松見貞心
裂竹見一作看直

文殘月色不改高
賢德常新家懷詩
書富宅抱草木貧

安得一蹄泉

一作安排
泉深

來

一作直

化千尺鱗含意
永不語

釣璜幽水濱

章仇將軍良棄功守貧

一作贈章仇兵馬使

飲君江

一作滄

海心詎

一作誰

能辨淺深挹君山嶽德誰能

齊嶽岑東海精為月西嶽氣凝金進則萬景晝

一作盡

退

則羣物陰我欲薦此言天門峻沉沉風飈亦感激為我
颼颼吟

趙記室俶在職無事

卑靜身後老高動物先推方圓水任器剛勁木成灰大
道母羣物達人腹衆才時吟堯舜篇心向無為開彼隱

山萬曲我隱酒一杯公庭何所有日日清風來

贈韓郎中愈

何以定

一作結

交契贈君高山石何以保貞堅

一作姿

贈君

青松色貧居

一作交

過此外無可相彩飾聞君碩

一作首鼠

詩

一作更有其鼠詩

吟之淚空滴

一作堪淚滴

碩鼠既穿墉又嚙機上絲穿墉有閒

一作餘

土嚙絲無餘

衣

一作絲

朝吟枯桑柘暮泣空

一作穿

杼機豈是無巧妙絲

斷將何施衆人尚肥華志士多饑羸願君保此節

一作願保

此頁節

天意當察微

右二詩一本作一首

前日遠別離今日生白髮欲知萬里情曉卧半牀月常

恐百蟲秋使我芳草歇

一本連上第
二篇作一首

戲贈無本

長安秋聲乾木葉相號悲瘦僧卧冰凌嘲

一佈
朔

詠含金


痕金痕非戰痕峭病方在茲詩骨聳東野詩濤湧

一作
勇

退之有時踉蹌行人驚鶴阿師可惜李杜死不見此狂

癡

燕僧聳聽詞袈裟喜新翻北岳厭利殺玄功生微言天
高亦可飛海廣亦可源文章杳無底斲掘誰能根夢靈
髣髴到對我方與論拾月鯨口邊何人免為吞燕僧擺
造化萬有隨手犇補綴雜霞衣笑傲諸貴門將明文在
身亦爾一作示道所存朔雪凝別句朔風飄征魂再期嵩
少遊一訪蓬蘿村春草步步綠春山日日暄一作暄遙鶯
相應吟晚聽恐不繁相思塞心胸高逸難攀援



御定全唐詩卷三百七十七

欽定四庫全書

集部

御定全唐詩卷三百

七十八至
八十一

詳校官庶吉士_臣胡鈺

主事銜_臣徐以坤覆勘

總校官知縣_臣繆琪

校對官學正_臣李巖

謄錄監生_臣沈立銘

欽定四庫全書

御定全唐詩卷三百七十八

孟郊

寄張籍

夜鏡不照物朝光何時升黯然秋思

一作愁氣

來走入志士

膺志士惜時逝一宵三四興清漢徒自朗濁河終無澄

舊愛忽已遠新愁坐相凌君其隱壯懷我亦逃名稱古

人貴從晦君子忌黨朋傾敗生所競保全歸慚慚

一作苦慚

浮雲何當來潛虬會飛騰

憶周秀才素上人時聞各在一方

一本無聞字

東西分我情魂夢安能定野客雲作心高僧月為性浮
雲自高閒明月常空淨衣敝得古風居山無俗病吟聽
碧雲語手把青松柄羨爾欲寄書飛禽杳難倩

舟中喜遇從叔簡別後寄上時從叔初擢第

一作

侍從歸江南郊不從行

一意兩片雲暫合還却分南雲乘慶歸北雲與誰羣寄

聲千里風相喚聞不聞

懷南岳隱士

見說祝融峰擎天勢似騰藏十尋布水出十八高僧古
路無人跡新霞吐石稜終居將爾叟一一共余登

千峰映碧湘真叟此中藏飯不煮石喫看應似髮長楓
裡即相與檮酒甕鶴蟲落琴牀強效忘機者斯人尚未

忘

春夜憶蕭子真

半夜不成寐燈盡又

一作夕

無月獨向塔前立子規啼不

歇況我有金蘭忽爾為胡越爭得明鏡中久長無白髮

寄院中諸公

奕奕秋水傍駸駸綠雲蹄月仙有高曜靈鳳無卑棲翠
色遶雲谷碧華凝月

一本
作句

溪竹林遞歷覽雲寺行攀躋

冠豸猶屈夔匣龍期剗犀千山驚月曉百里聞霜聲戎
府多秀異謝公期相攜因之仰羣彥養拙固難齊

寄洛州李大夫

自從薊師反中國事紛紛儒道一失所賢人多在軍鳥
巢憂迸射鹿耳駭驚聞劔折唯恐匣一作怨匣弓貪不讓勳

方知省事將動必謝前羣鶴陣常先罷魚符最晚分步

閒沼水曲笑激太行雲詩叟未相識竹兒爭見君殷勤

越一作起談說記盡古風一作風文

寄盧虔使君

霜露再相換遊人猶未歸歲新月改色客久線斷衣有
鶴冰在翅竟久力難飛千家舊素沼一作斜昨日生綠輝

春色若可

一作不

借為君步芳菲

寄崔純亮

百川有餘水大海無滿波
器量各相懸賢愚不同科
羣

辯有姿語衆歡無

一作有

行歌唯餘洛陽子鬱鬱恨常多

時讀過秦篇為君涕滂沱

汴州離亂後憶韓愈李翱

會合一時哭別離三斷腸
殘花不待風春盡各飛揚
歡去收不得悲來難自防
孤門清館夜獨卧明月牀
忠直

血白刃道路聲蒼黃食恩三千士一旦為豺狼海島士
皆直夷門士非良人心既不類天道亦反常自殺與彼
被一作殺未知何者臧

寄張籍

未見天子面不如雙盲人賈生對文帝終日猶悲辛夫
子亦如盲所以空泣麟有時獨齋心髣髴夢稱臣夢中
稱臣言覺後真埃塵東京有眼富不如西京無眼貧西
京無眼猶有耳隔牆時聞天子車

一本有聲
之二字

麟麟麟麟

車聲輾冰玉南郊壇上禮百神西明寺後窮瞎張太祝
縱爾有眼誰爾珍天子咫尺不得見不如閉眼且養真

寄義興小女子

江南莊宅淺所固唯疎籬小女未解行酒弟

一作病叔

老更

癡家中多吳語教爾遙可知山怪夜動門水妖時弄池
所憂癡酒腸不解委曲辭漁妾性崛強耕童手皴釐想
茲為襁褓如烏拾柴枝我詠元魯山胸臆流甘滋終當
學自乳起坐常

一作尚

相隨

憶江南弟

白首眼垂血望爾唯夢中筋力强起時魂魄猶在東眼
光寄明星起來東望空望空不見人江海波無窮衰老
無氣力呼叫不成風子然憶憶言落地何由通常師共
被教竟作生離翁生離不可訴上天何曾聰未忍對松
栢自鞭殘朽躬自鞭亦何益知一作矩教非所崇努力拄
杖來餘活與爾同不然死後恥遺死亦有終

宿空姪院寄澹公

夜坐冷竹聲二三高人語燈窻看律鈔小師別為侶雪

簷晴滴滴茗椀華舉舉

一作乳華舉

磬音多風颭聲韻聞江

楚官街不相隔詩思空愁予明日策杖歸去住兩延佇

寄陝府鄧

一作資

給事

第二十四句缺一字

陝城臨大道館宇屹幾鮮候謁隨芳

一作方

語鏗詞芬蜀

牋從來鏡目下見盡道心前自謂古詩量異

一作冀

將新

學偏慙人年六十每月請三千不敢等閒用願為長壽

錢非關亦潔爾將以救羸然孤省癡皎皎默吟寫綿綿

病書憑晝日

一作目

驛信寄宵鞭疾訴將何諭肆鱗今倒

懸塵鯉見枯浪土鬣思乾泉感感無緒蕩愁愁作開邊

貞元文祭酒

自註即陽公

比謹學韋玄滿坐風無雜當朝雅

獨全見知囑徐孺

自註即徐端公

賞句類陶淵一顧生鴻羽再

言將鶴翮宣揚隘車馬君子湊駢闐曾是此同瞻至今
應賜憐磨墨零落淚楷字貢仁賢

送諫議十六叔至孝義渡後奉寄

曉渡明鏡中霞衣相飄飄浪鳧驚亦雙蓬客將誰僚別

飲孤易醒離憂壯難銷文清雖無敵儒貴不敢驕江吏
捧紫泥海旗剪紅蕉分明太守禮跨躡毗陵橋伊洛去
未迴遐矚空寂寥

至孝義渡寄鄭軍事唐二十五

咫尺不得見心中空嗟嗟官街泥水深下脚道路斜嵩
少玉峻峻伊雒碧華華岸亭當四迴詩老獨一家洧叟
何所如鄭石唯有此何當來說事為君開流霞

答友人

白日照清水淺深無隱姿君子業高文懷抱多正思砥

行碧山石結交青松枝碧山無轉易青松難傾移落落

出俗韻琅琅大雅詞自非隨氏掌明月安能持千里一作

十載不可倒一作到一返一作發無近一作回期如何非意中

良覲忽在茲道語一作話必疎淡儒風易凌遲願存堅貞

一作正直節勿為霜霰一作雪欺

酬友人見寄新文

為客棲未定況當玄月中繁雲翳碧霄落雪和清風郊

陌絕行人原隰多飛蓬耕牛返村巷野鳥依房櫳我無
饑凍憂身託蓮花宮安閒賴禪伯復得疎塵蒙覽君郢
曲文詞彩何冲融謳吟不能已頓覺形神空

答韓愈李觀別因獻張徐州

一作長安留別李
觀韓愈因獻張徐

州

富別愁在顏貧別愁銷骨懶磨舊銅鏡畏見新白髮古
樹春無花子規啼有血離弦不堪聽一聽四五絕一作三四
裂世途非一險俗慮有一作各十結有容步大方驅車獨

迷轍故人韓與李逸翰雙皎潔哀我摧折歸贈詞縱橫

設徐方國東樞

一作號在

元戎天下傑禰生投刺遊王粲吟

詩謁高情無遺照朗抱開曉月有土不埋冤有讐皆為

雪願為直

一作奇

草木永向君地列願為古琴瑟永向君

聽

一作前

發欲識丈夫心曾將孤

一作寶

劍說

答書上人止讒作

烈烈鶩鶩吟鏗鏗琅玕音臬摧明月嘯鶴起清風心涓

水不可渾涇流徒相侵俗侶唱桃葉隱士

一作仙

鳴桂琴

子野真遺却浮淺藏淵深

答姚怱見寄

日月不同光晝夜各有宜賢哲不苟合出處亦待時而
我獨迷見意求異士知如將舞鶴管誤向驚鳧吹大雅
難具陳正聲易漂淪君有丈夫淚泣人不泣身行吟楚

山玉

一作下

義淚沾衣巾

答郭郎中

松栢死不變千年色青青志士貧更堅守道無異營每

彈瀟湘瑟獨抱風波聲中有失意吟知者淚滿纓何以
報知者永存堅與貞

答盧虔故園見寄

訪舊無一人獨歸清雒春花聞哭聲死水見別容新亂
後故鄉宅多為行路塵因悲楚左右謗玉不知珉

汝墳蒙從弟楚材見贈時郊將入秦楚材適楚

朝為主人心暮為行客吟汝水忽淒咽汝風流苦音北

闕秦門高南路

一作山

楚石深

一作北關時時
遠南山路更深

分淚灑白

日離腸繞青岑何以寄遠懷

一作我書

黃鶴能相尋

同從叔簡酬盧殷少府

梅尉吟楚聲竹風為淒清
深虛冰在性高潔雲入情
借水洗閒貌寄蕉書逸名
羞將片石文鬪此雙瓊英

酬李侍御書記秋夕雨中病假見寄

秋風遶衰柳遠客聞雨聲
重茲阻良夕孤坐唯積誠
果枉移疾詠中含嘉慮
明洗滌煩濁盡視聽昭曠
生未覺衾枕倦久為章奏
嬰達人**不寶**

一作保

藥所保在閒情

答盧仝

楚屈入水死詩孟踏雪僵直氣苟有存死亦何所妨日
劈高查牙清稜含冰漿前古後古冰與山氣勢強閃怪
千石形異狀安可量有時春鏡破百道聲飛揚潛仙不
足言朗客無隱腸為君傾海宇日夕多文章天下豈無
緣此山雪昂藏煩君前致詞哀我老更狂狂歌不及狂
歌聲緣鳳皇鳳兮何當來消我孤直瘡君文真鳳聲宣
隘滿鏗鏘洛友零落盡逮茲悲重傷獨自奮異骨將騎

白

一作玉

角翔再三勸莫行寒氣有刀槍仰慙君子多慎

勿作芬芳

奉報翰林張舍人見遺之詩

百蟲笑秋律清削月夜聞曉稜視聽微風剪葉已紛君
子鑒大雅老人非俊羣收拾古所棄俛仰補空文孤韻
恥春俗餘響逸零露自然蹈終南滌暑凌寒氛巖霰不
知午碯澌鎮含曛曾是醒古一作沽醉所以多隱淪江調
樂之遠溪謠生徒新衆蘊有餘采寒泉空哀呻南謝竟

莫至北宋當時珍蹟

一作顯

靈各自異酌酒

一作聖
一作醒

誰能

均昔詠多寫諷今詞詎無因品松何高翠

一作位
何高

宮一作

翠

殿沒荒榛苔趾識宏製沙深游崩津忽吟陶淵明此

即羲皇人心放出天地形拘在風塵前賢素行階風嗜

青山勤達士立明鏡朗言為近臣將期律萬有傾倒甄

無垠鶩鶩應蟋蟀絲毫意皆申沈於三千章哀叩不為

神

送從弟郢東歸

爾去東南夜我無西北夢誰言貧別易貧別愁更重曉
色奪明月征人逐羣動秋風楚濤高旅榜將誰共

山中送從叔簡赴舉

石根百尺杉山眼一片泉倚之道氣高飲之詩思鮮於
此逍遙場忽奏別離弦却笑薜蘿子不同鳴躍年

送別崔寅亮下第

天地唯一氣用之自偏頗憂人一作心成苦吟達士為高

歌君子識不淺桂枝憂更多歲晏期攀折時歸且娑娑

素質

一作質貌

如削

一作荆

玉清詞若傾

一作天

河虬龍

一作潛虬

未

化時魚鱉同一波去矣當自適故鄉

一作山

饒薜蘿

大梁送柳淳先入關

青山輾

一作轉

為塵白日無閒人自古推高車爭利西入

秦王門與侯門待富不待貧空攜

一作唯貴

一束書去

一作獨

去誰相

一作將誰親

送無懷道士遊富春山水

一作逸士歸山送別吳

造化絕

一作最一作見

高處富春獨多觀山濃翠滴灑

一作磔水

折珠摧殘溪鏡不隱髮樹衣長遇一作樂寒風猿虛空飛

月狖叫嘯酸信一作即此神僊路一作樂豈為時俗安煮金

陰陽火一作芙蓉水囚怪星宿壇花發我一作或未識玉生忽

藜攢蓬萊浮蕩漾非道相從難

送温初下第

日落濁水中夜光誰能分高懷無近趣清抱多遠聞欲
識丈夫志心藏孤岳雲長安風塵別咫尺不見君

送盧虔端公守復州

師曠聽羣木自然識孤桐正聲逢知音願出大朴中知

音不韻俗獨立占

一作上

古風忽挂觸邪冠逮逐南飛鴻

肅肅太守章明明華轍熊商山無平路楚水有驚濤日
月千里外光陰難載同新愁徒自積良會何由通

送任載齊古二秀才自洞庭遊宣城

并序

文章者賢人之心氣也心氣樂則文章正心氣非
則文章不正當正而不正者心氣之偽也賢與偽
見於文章一直之詞衰代多禍賢無曲詞文章之

曲直不由於心氣心氣之悲樂亦不由賢人由於
時故今宣州多君子閑暇而寬文章之曲直纖微
悉而備舉洞庭二客勉而客去之鼓其風波之詞
吾知夫樂莫是行也遂為詩曰

洞庭非人境道路行虛空二客月中下一帆天外風魚
龍波五色金碧樹千叢閃怪如可懼在一作至誠無不通

扣奇知

一作驚

浩淼采異訪

一作動

穹崇物表即

一作積

高韻

人間訪仙公宣城文雅地謝守聲聞融證玉易為力辨

珉誰

一作調

不同從茲阮籍淚且勉泣途窮

送曉公歸庭山

一作歸稽亭

庭山

一作稽亭

何崎嶇寺路緣翠微秋霽山盡出日落人獨

歸雲生高高步泉灑田田衣枯巢無還羽新木有爭飛

茲焉不可繼夢寐空清輝

送豆盧策歸別墅

短松鶴不巢高石雲不

一作始

棲君今瀟湘去意

一作性

與

雲鶴齊力買奇險地手開清淺溪身披薜荔衣

一作薜荔

山

陟莓苔梯一卷水雪文避俗常自攜

送清遠上人歸楚山舊寺

一作國清上人游
蘇一作送溪上人

波中出吳境霞際登楚岑山寺一別來雲

一作風

蘿三改

陰詩誇碧雲句道證青蓮心應笑

一作憐

泛萍

一作泛

者不

知松隱深

山中送從叔簡

莫以手中瓊言邀世上名莫以山中迹久向人間行松

栢有霜操風泉無俗聲應憐枯朽質驚此別離情

送蕭鍊師入四明山

閒於獨鶴心大於高

一作喬

松年迴出萬物表高棲四明

巔十尋直裂峰百尺倒瀉泉絳雪為我飯白雲為我田

靜言不語

一作話

俗靈蹤時步天

御定全唐詩卷三百七十八

欽定四庫全書

御定全唐詩卷三百七十九

孟郊

感別送從叔校書簡再登科東歸

長安

一作去年

車馬道高槐

一作柳

結浮陰下有名利人一人

千萬心黃鵠多遠勢

一作黃鶴共遠路

滄溟無近潯怡怡靜退

姿泠泠思歸吟菱唱忽生聽芸書迴望深清風散言笑
餘花綴衣襟獨恨魚鳥別一飛將一沈

送玄亮師

一作送道友

蘭泉滌我襟杉月棲

一作風淒

我心茗啜綠淨花經誦清柔

音何處

一作事

笑為別淡情

一作然

愁不侵

送李尊

一作宗

師玄

口誦碧簡文身是青霞君頭冠兩片月肩

一作身

披一條

雲松骨輕自飛鶴心高不羣

同畫上人送郭

一作郭一作邵

秀才江南尋兄弟

地

一作池

上春色生眼前詩彩明手攜片寶月言是高僧

名溪轉萬曲心

一作石

水流千里聲飛鳴向誰去江鴻弟

與兄

春日同韋郎中使君送鄒儒立少府扶侍赴雲

陽

離思著百草綿綿生無窮側聞畿甸秀三振詞策雄太
守不韻俗諸生皆變風郡齋敞西清楚瑟驚南鴻海畔

帝

一作高

城望雲陽天色中酒酣正芳景詩綴新碧叢服

綵老萊並侍車江草同過隋柳顛顛入落花蒙籠高步

詎留足前程在層空獨慙病鶴羽飛送力難崇

送從叔校書簡南歸

一作東游

長安別離道宛在東城隅寒草根未死愁人心已枯
促水上景遙遙天際途生隨昏曉中皆被日月驅北騎
達一作驥遠山岳南帆指江湖高蹤一超越千里在須臾

送韓愈從軍

志士感恩起變衣非變性親賓改舊觀僮僕生新敬
坐作羣書吟行為孤劍詠始知出處心不失平生正淒淒

天地秋凜凜軍馬令驛塵時一飛物色極四靜王師既

不戰廟略

一作畫

在

一作畫

無競王粲有所依元瑜初應命

一章喻檄明百萬心氣定今朝旗鼓前笑別丈

一作夫

盛

同茅

一作第

郎中使君送河南裴文學

河南有歸客江風繞行襟送君無塵聽舞鶴清瑟音菱

蔓綴楚棹日華正嵩岑如何謝文學還起會雲

一作長

吟

送李翱習之

習之勢翩翩東南去遙遙贈

一作寄

君雙履足一為上臯

橋臯橋路逶迤碧水清風飄新秋折藕花應對吳語嬌
千巷分淥波四門生早潮湖榜輕裊裊酒旗高寥寥小
時屐齒痕有處應未銷舊憶如霧星恍見於夢消言之
燒人心事去不可招獨孤宅前曲瑩篔醉中謠壯年俱
悠悠逮茲各焦焦執手復執手唯道無枯凋

送丹霞子阮芳顏上人歸山

松色不肯秋玉性不可柔登山須正路飲水須直流倩

鶴附書信索雲作衣裘
仙村莫道遠枉
一作策招交游

送從舅端適楚地

歸情似泛空飄蕩
楚波中羽扇掃輕汗
布帆篩細風
江花折菡萏
岸影泊梧桐
元舅唱離別
賤生愁不窮

送盧汀侍御歸天德幕

仲宣領騎射結束
皆少年匹馬黃河岸
射鵬清霜天
旌旗防日北
道路上雲巔
古雪無銷鑠
新冰有堆填
清溪徒聳蒨
白壁自招賢
豈比重恩一作者
閉門方獨全

送草書獻上人歸廬山

狂僧不為酒狂筆自通天將書雲霞片直至清明巔手
中飛黑電象外瀉玄泉萬物隨指顧三光為迴旋聚一作

驟書雲霞灑洗硯山晴鮮忽怒畫虵虺噴然生風煙江
人願停筆驚浪恐傾船

和薛先輩送獨孤秀才上都赴嘉會得青字

秦雲攀窈窕楚桂搴芳馨五色豈徒爾萬枝皆有靈仙
謠天上貴林詠雪中青持此一為贈送君翔杳冥

送崔爽之湖南

江與湖相通二水洗高空定知一日帆使得一作竭千里

風雪唱與誰和俗情多不通何當逸翮一作鶴縱一作迹飛起泥

沙中

送超上人歸天台一作送天台道士

天台山最高動躡赤一作仙城霞何以靜雙目掃山除妄

花何以潔其性一作鑿形影瀘泉去泥沙靈境物皆直萬松

無一斜月中見心近一作迫雲外將俗一作世賒山獸護方

丈山猿捧袈裟

一本無此二句

遺身獨得身笑我牽名華

同李益崔放送王鍊師還樓觀兼為羣公先營

山居

十一

一作千

年白雲士一卷紫芝書來結崆峒侶還期縹緲

居霞冠遺彩翠月

一作丹

帔上空虛寄謝泉根水清冷閒

有餘

張徐州席送岑秀才

振振芝

一作芳

蘭步升自君子堂泠泠松

一作楓

桂吟生自

楚

一作羈

客腸羈鳥無定棲驚蓬在他鄉去茲門館閒即

彼道路長雨餘山川淨麥熟草木涼楚淚滴章句京

一作

荆

塵染

一作滿

衣裳贈君無餘佗久要不可忘

送黃構擢第後歸江南

澹澹滄海氣結成黃香才幼齡思奮飛弱冠遊靈臺一
鶚顧喬木衆禽不敢猜一驥騁長衢衆獸不敢陪遂得
會風雨感通如雲雷至矣小宗伯確乎心不回能令幽
靜人聲實喧九垓却憶江南道祖筵花裏開春風不能

別別罷空徘徊

送道士

千年山上行山上無遺蹤一日人間游六合人皆逢自
有意中侶白寒徒相從

送孟寂赴舉

烈士不憂身為君吟苦辛男兒久失意寶劍亦生塵浮
俗官是貴君子道所珍況當聖明主豈乏證玉臣濁水
無白日清流鑒蒼旻賢愚皎然別結交當有因

同溧陽宰送孫秀才

廢瑟難為弦南風難為歌
幽幽拙疾中忽忽浮夢多
清韻始嘯侶雅言相與和
訟閒每往招祖送奈若何
牽苦強為贈邦邑光我我

溧陽唐興寺觀薔薇花同諸公餞陳明府

忽驚紅琉璃千艷萬艷開
佛火不燒物淨香空徘徊
花下印文字林間詠觴杯
羣官餞宰官此地車馬來

送柳淳

青山臨黃河下有長安道世上一作歲歲名利人相逢不知老

送殷秀才南遊

詩句臨

一作滿

離袂酒花薰別顏水程千里外岸泊幾宵

閒風葉亂辭木雪猿清叫山南中多古事詠遍始應還

送青陽上人遊越

秋風吹白髮微官自蕭索江僧何用歎溪縣饒寂寞楚思物皆清越山勝非薄時看鏡中月獨向衣上落多謝

入冥鴻笑予在籠鶴

奉同朝賢送新羅使

淼淼望遠國一萍秋海中
恩傳日月外夢在波濤東
浪興豁胸臆泛程舟虛空
既茲吟仗信亦以難私躬
實怪賞不足異鮮悅多叢
安危所繫重征役誰能窮
彼俗媚文史聖朝富才雄
送行數百首各以鏗奇工
冗隸竊抽韻孤屬思將同

留弟郢不得送之江南

剛有下水船白日留不得老人獨自歸苦淚滿眼黑

送陸暢歸湖州因憑題

一作
弔

故人皎然塔陸羽

墳

森森雪寺前白蘋多清風昔游詩會滿今游詩會空孤

吟玉淒惻遠思景蒙籠杼山塲塔禪竟陵廣

一作
墟

宵翁

饒彼草木聲髣髴聞餘聰因君寄數句遍為書其藂追
吟當時說來者實不窮江調難再得京塵徒滿躬送君
溪駕為彩色雙飛東東多高靜鄉芳宅冬亦崇手自擷

甘旨供養歡沖融待我遂前心收拾使有終不然洛岸
亭歸死為大同

送淡公

燕本冰雪骨

一作蝶

越淡蓮花風五言雙寶刀聯響高飛

鴻翰苑錢舍人詩韻鏗雷公識本未識淡仰詠嗟無窮

清恨生物表朗玉傾夢中常於冷竹坐相

一作寒

語道意

冲嵩洛興不薄稽江事難同明年若不來我作黃蒿翁
何以兀其心為君學虛空

坐愛青草上意含滄海濱
渺渺獨見水悠悠不問人
鏡浪洗手綠剡花入心
春雖然防外觸無奈饒衣
新行當釋文字慰此吟殷勤

銅斗飲江酒手拍銅斗歌
儂是拍浪兒飲則拜浪婆
脚踏小船頭獨速舞短蓑
笑伊漁陽操空恃文章多
閒倚青竹竿白日奈我何

短蓑不怕雨白鷺相爭飛
短楫畫菰蒲鬪作豪橫歸
笑伊水健兒浪戰求光輝
不如竹枝弓射鴨無是非

射鴨復射鴨，驚菰蒲頭鴛鴦。亦零落彩色，難相求。儂
是清浪兒，每踏清浪游。笑伊鄉貢郎，踏土稱風流。如何
卍角翁，至死不裹頭。

師得天文章，所以相知懷。數年伊雒同，一旦江湖乖。江
湖有故莊，小女啼嗒嗒。我憂未相識，乳養難和諧。幸以
片佛衣，誘之令看齋。齋中百福言，催促西歸來。

伊洛氣味薄，江湖文章多。坐緣江湖岸，意識一作織鮮明。

波銅斗短蓑，行新章。其奈何，茲焉激切句。非是等閒歌。

製

一作
掣

之附驛迴勿使餘風訛都城第一寺昭成屹嵯

峨為師書廣壁仰詠時經過徘徊相思心老淚雙滂沱

江南邑中寺

一作寺
邑古

平地生勝山開元吳語僧律韻高

且閒妙藥溪岸平桂榜往復還

一作復
往還

樹石相鬪生紅

綠各異顏風味我遙憶新竒師獨攀

報恩兼報德寺與山爭鮮橙橘金蓋檻竹蕉綠凝禪經

章音韻細風磬清泠翩離腸繞師足舊憶隨路延不知

幾千尺至死方綿綿

鄉在越境中分明見歸心鏡芳步步綠鏡水日日深異
刹碧天上古香清桂岑朗約徒在昔章句忽盈今幸因
西飛葉書作東風吟落我病枕上慰此浮恨侵

牽師袈裟別師斷袈裟歸問師何苦去感吃言語稀意
恐被詩餓欲住將底依盧殷劉言史餓死君已噫不忍
見別君哭君他是非

詩人苦為詩不如脫空飛一生空鷲氣非諫復非譏脫
枯挂寒枝棄如一唾微一步一步乞半片半片衣倚詩

為活計從古多無肥詩饑老不怨勞師淚霏霏

送魏端公入朝

東洛尚淹翫西京足芳妍大賓

賢一作

威儀肅上客冠劍

鮮豈惟空戀闕亦以將朝天局促塵末吏幽老病中弦
徒懷青雲價忽至白髮年何當補風教為薦三百篇

送盧郎中汀

洛水春渡濶別離心悠悠一生空吟詩不覺成白頭向
事每計較與山實綢繆太華天上開其下車轍流縣街

無塵土過客多淹留坐飲孤驛酒行思獨山遊逸關嵐
氣明照渭空漪浮玉珂擺新歡聲與鸞鳳儔朝謁大家
事唯余去無由

送鄭僕射出節山南

一作酬鄭興
元僕射招

國老出為將紅旗入青山再招門下生結束餘病孱自
笑騎馬醜強從驅馳問顧顧

一作
顧

磨天路裊裊鏡下顏

文魄既飛越宦情唯等閒羨他白面少多是清朝班惜
命非所報慎行誠獨艱悠悠去住心兩說何能刪

別妻家

芙蓉濕曉露秋別南浦中鴛鴦卷

一作春
一作有

新贈遙戀東

牀空碧水不息浪清溪易生風參差坐

一作
路

成阻飄颻

去

一作
恨

無窮孤雲目雖斷明月心相通私情詎銷鑠積

芳在春蕞

贈姚恂別

美人廢琴瑟不是無巧彈聞君郢中唱始覺知音難驚
蓬無還根馳水多分瀾倦客厭出門疲馬思解鞍何以

寫此心贈君握中丹

贈竟陵盧使君虔別

赤日千里火火中行子心孰不苦焦灼所行為貧侵山
木豈無涼猛獸蹲清陰歸人憶一作懷平坦別路多峴嶽

賴得竟陵守時聞建安吟贈別折楚芳楚芳一作芳色搖衣

襟

與韓愈李翱張籍話別

朱弦奏離別華燈少光輝物色一作思豈有一作知異人心

顧將違客程殊未已歲華忽然一作已微秋桐故葉下寒

露新雁飛遠遊起重恨送人念先歸夜集類一作鳥鳥

一作鳥晨光失相依馬跡遶川水雁書還一作妻泣守閨闌常

恐親朋阻獨行知慮非

監察十五叔東齋招李益端公會別

欲知惜別離瀉水還清池此地有君子芳蘭步葳蕤手

掇一作緜雜英一作絲珮意一作夢搖春夜一作思莫作遶山雲循

環無定期

汴州留別韓愈

一本無留字

不飲濁水瀾空滯此汴河坐見遶岸水

一作水

盡為還海

波四時不在家弊服斷線多遠客獨顛顛春英落

一作各

婆婆汴水

一作荒波

饒曲流野桑無直柯但為君子心歎息

一作飲之終靡他

贈別殷山人說易後歸幽墅

夫子說天地若與靈龜言幽幽人不知一一予所敦秋
月吐白夜涼風韻清源旁通忽已遠神感寂不喧一悟

祛萬結夕懷傾朝煩旅翰無停波別馬嘶去轅殷勤荒
草士會有知己論

壽安西渡奉別鄭相公

洛河向西道石波橫磷磷清風送君子車遠無還塵春
別亦蕭索況茲冰霜晨零落景易入鬱抑抱難申百宵
華燈宴一旦星散人歲去弦吐箭憂來蠶抽綸綿綿無
窮事各各馳遶身徘徊黃一作送縹緲倏忽春霜賓相為
物表物永謝區中姻日嗟來教士仰望無由親

東都清風減君子西歸朝獨抱歲晏恨泗吟不成謠貴

遊意多味賤別情易消迴鴈憶前叫浪鳧念後漂一作

悠悠孤飛景聳聳銜霜條昧趣多滯澀一作躑一作嬾朋寡新

僚病深理方悟悔至心自燒寂靜道何在憂勤學空饒

乃知減聞見始遂情逍遙文字徒營織聲華諒疑驕顧

慙耕稼士朴略氣韻調善士一作有餘食佳畦冬生苗

養人在養身此肯清如韶願貢高古言敢望錫類招

御定全唐詩卷三百七十九

欽定四庫全書

御定全唐詩卷三百八十

孟郊

宇文秀才齋中海柳詠

玉縷青葦蕤結為芳樹姿忽驚明月鉤鉤出珊瑚枝灼
灼不死花蒙蒙長生絲飲栢泛仙味詠蘭擬古詞霜風
清颼颼與君長相思

搖柳

一作採柳

弱弱本易驚，看看勢難定。
因風似醉舞，盡日不能正。
時邀詠花女，笑輟春妝鏡。

曉鶴

曉鶴彈古舌，婆羅門叫音。
應吹天上律，不使塵中尋。
虛空夢皆斷，歎安能禁如開。
孤月口似說，明星心既非。
人間韻枉作，人間禽不如。
相將去碧落，窠巢深。

和薔薇花歌

仙機札札

一作
軋軋

織鳳皇花開七十有二行。
天霞落地攢

紅光風枝嫋嫋時一颺飛散葩馥遠空王忽驚錦浪洗
新色又似宮娃逞妝飾終當一使移花一作老根還比蒲
桃天上植

邀人賞薔薇

蜀色庶可比楚叢亦應無醉紅不自力狂艷如索扶麗
藥惜未埽宛枝長更紆何人是花侯詩老強相呼

和宣州錢判官使院廳前石楠樹

大朴既一剖衆材爭萬殊懿茲南海華來與北壤俱生

長如自惜雪霜無凋渝籠籠抱靈秀簇簇抽芳膚寒日
吐丹艷頰子流細珠鴛鴦花數重翡翠葉四鋪雨洗新
妝色一枝如一姝聳異敷庭際傾妍來坐隅散彩飾機

按餘輝盈盤孟高意

一作立

因

一作自

造化常情逐榮枯主

公方寸中陶植在須臾養此奉君子賞覲日為娛始覺

石楠詠價傾賦兩

一作西

都崇頌庶可比桂詞難以踰因

謝丘墟木空采

一作操

落泥塗時來開佳姿道去卧枯株

爭芳無由緣受氣如鬱紆抽肝在郢匠歎息何踟躕

酬鄭毗躑躅詠

不似人手致豈關地勢偏孤光裏餘翠獨影舞多妍
迸火燒閒地紅星墮青天忽驚物表物嘉客為留連

品松

追悲謝靈運不得殊常封縱然孔與顏亦莫及此松此
松天格高聳異千萬重抓拏巨靈手擘裂少室峰擘裂
風雨擗抓拏指爪臚同傭均也直也道入難抱心學生易墮蹤
時時數點仙嫋嫋一線龍霏微嵐浪際遊戲顯興濃品

松徒高高雌鳴

一作鴻
一作語

詎唯唯賞異尚可貴賞潛誰能

容名華非典實翦棄徒纖茸刻削大雅文所以不敢慵

答李員外小榼味

一拳芙蓉水傾玉何泠泠仙情夙

一作清風

已高詩味今更

馨試暇月入骨再銜愁盡醒荷君道古誠使我善飛

一作

振翎

井上枸杞架

深鎖銀泉甃高葉架雲空不與凡木並自將仙蓋同影

疎千點月聲細萬條風
迸子鄰溝外飄香客位中
花杯承此飲椿歲小無窮

蜘蛛諷

一作詠

萬類皆有性各各稟天和
蠶身與汝身汝身何太訛
蠶身不為已汝身一作心不為佗
蠶絲為衣裳汝絲為網羅

濟物幾

一作既

無功害物日

一作自

已多百蟲雖切恨其將

奈爾何

蚊

五月中夜息，饑蚊尚營營。但將膏血求，豈覺性命輕。顧已寧自愧，飲人以偷生。願為天下恚，一使夜景清。

燭蛾

燈前雙舞蛾，厭生何太切。想爾飛來心，惡明不惡滅。天若百尺高，應去掩明月。

和錢侍郎甘露

玄天何以言，瑞露青松繁。忽見垂書跡，還驚涌澧源。春枝晨嫋嫋，香味曉翻翻。子禮忽來獻，臣心固易敦。清風

惜不動薄霧肯蒙昏嘉晝色更晶仁慈久乃存一方難
獨占天下恐爭論側聽飛中使重榮華一作萃德門從公
樂萬壽餘慶及兒孫

和令狐侍郎郭郎中題項羽廟

碧草凌古廟清塵鎖秋窗當時獨宰割猛志誰能降鼓
氣雷作敵劔光電為雙新悲徒自起舊恨一作懷舊空浮江

讀張碧集

天寶太白歿六義已消歇大哉國風本喪而王澤竭先

生今復生斯文信難缺下筆證興亡陳詞備風骨高秋
數奏琴澄潭一輪月誰作采詩官忍一作教之不揮發

聽琴

颯颯微雨收翻翻椽

一作桐

葉鳴月沈亂峰西寥落三四

星前溪忽調琴隔林寒琤琤聞彈正弄聲不敢枕上聽

迴燭整頭簪漱泉立中庭定步履

一作履

齒深貌禪目冥

冥微風吹衣襟亦認宮徵聲學道三十年未免憂死生
聞彈一夜中會盡天地情

聞夜啼贈劉正元

寄泣須寄黃河泉此中怨聲

一作流徹

怨

一作天愁人獨

獨

有夜燈見一紙鄉書淚滴穿

喜雨

朝見一片雲暮成千里雨
淒清濕高枝散漫沾荒土

終南山下作

見此原野秀始知造化偏
山村不假陰流水自

一作日雨

田家家梯碧峰門門鎖青烟
因思蛻骨人化作飛桂仙

觀種樹

種樹皆待春春至難久留君看朝夕花誰免離別愁心
意已零落種之仍未休胡為好奇者無事自買憂

春雨後

昨夜一霎雨天意蘇羣物何物最先知虛庭草爭出

答友人贈炭

青山白屋有仁人贈炭價重雙烏銀驅却坐上千重寒
燒出爐中一片春吹霞弄日光不定暖得曲身成直身

爛柯石

仙界一日內人間千載窮雙碁未徧局萬物皆為空
樵客返歸路斧柯爛從風唯餘石橋在猶自凌丹虹

一作
猶有

紅靈丹

尋言上人

萬里莓苔地不見驅馳蹤唯開文字窗時寫日月容
竹韻漫蕭屑草花徒蒙一作茸披霜入衆木獨自識青松

噴玉布

去塵咫尺步山笑康樂巖天開紫石屏泉縷一作鏤明月

簾仙凝刻削跡靈綻雲霞纖悅聞若有待瞥見終無厭
俗玩詎能近道嬉方可淹踏着不死機欲歸多浮嫌古
醉今忽醒今求古仍潛古今相共失語默兩難恬贈君
噴玉布一濯高漸漸

姑蔑城

勁越既成土強吳亦為墟皇風一已被茲邑信平居撫
俗觀舊跡行春布新書興亡意何在綿歎空躊躇

崢嶸嶺

疏鑿順高下結構橫烟霞坐嘯郡齋肅玩竒石路斜古
樹浮綠氣高門結朱華始見崢嶸狀仰止逾可嘉

尋襄處士

涉水更登陸所向皆清真寒草不藏徑靈峰知有人悠
哉鍊金客獨與烟霞親曾是欲輕舉誰言空隱淪遠心
寄白月一作日華髮迴青春對此欽勝事胡為勞我身

子慶詩

王家事已奇孟氏慶無涯獻子還生子義之又有之鳳
兮且莫歎鯉也會聞詩小小豫章甲纖纖玉樹姿人來
唯仰乳母抱未知慈我欲揀其養放麝者是誰

憇淮上觀公法堂

動覺日月短靜知時歲長自悲道路人暫宿空閒堂孤
燭讓清晝紗巾歛輝光高僧積素行事外無剛強我有
巖下桂願為爐中香不惜青翠姿為君一作揚芬芳淮
水色不汙汙流徒渾黃且將琉璃意淨綴芙蓉章明日

還獨行羈愁來舊腸

江邑春霖奉贈陳侍御

江上花木凍雨中零落春應由放忠直在此成漂淪
嘉艷皆損汙好音難殷勤天涯多遠恨雪涕盈芳辰
坐哭青草地上卧吟幽水濱興言念風俗得意唯波鱗
枕席病流濕簷楹若飛津始知吳楚水不及京洛塵
風浦蕩歸棹泥陂陷征輪兩途日無遂相贈唯沾巾

溧陽秋霽

晚雨曉猶在蕭寥激前階
星星滿衰鬢耿耿入秋懷
舊識半零落前心驟相乖
飽泉亦恐醉惕宦肅如齋
上客處華池下寮宅枯崖
叩高占生物齟齬回難諧

列仙文

大霞霏晨暉元氣無常形
玄轡飛霄外八景乘高
清手把玉皇袂攜我晨
中生玄庭自嘉會金書
折華名賢女密所妍相
期洛水駢

右方諸青童君

歛駕空清虛徘徊西華館瓊輪暨晨抄虎騎逐煙散
惠風振丹旌明燭朗八煥解襟墉房內神鈴鳴璀璨
棲景若林柯九弦空中彈遺我積世憂釋此千載歎
怡盼無極已終夜復待旦

右清虛真人

駕我八景輿歛然入玉清龍羣拂霄上虎旗攝朱兵
道遙三弦際萬流無暫停哀此去留會劫盡天地傾
當尋無中景不死亦不生體彼自然道寂觀合大冥
南嶽挺

直幹玉英曜穎精有任靡期事無心自虛靈嘉會絳河
內相與樂朱英

右金母飛空歌

丹霞煥上清八風鼓太和迴我神霄輦遂造嶺玉阿咄
嗟天地外九圍皆我家上采白日精下飲黃月華靈觀
空無中鵬路無間邪傾見魏賢安濁氣傷汝和勤研玄
中思道成更相過

右安度明

夏日謁智遠禪師

吾師當幾祖說法云無空禪心三界外宴坐天地中院
靜鬼神去身與草木同因知護王國滿鉢盛毒龍抖擻
塵埃衣謁師見真宗何必千萬劫瞬息去樊籠盛夏火
為日一堂十月風不得為弟子名姓挂儒宮

訪嵩陽道士不遇

先生五兵

一作岳

遊文焰藏金鼎日下鶴過

一作歸

時人間

空落影常言一粒藥不墮生死境何當列禦寇去問仙

人請

聽藍溪僧為元居士說維摩經

古樹少枝葉真僧亦相依山木自曲直道人無是非手
持維摩偈心向居士歸空景忽開霽雪花猶在衣洗然
水溪晝寒物生光輝

借車

借車載家具家具少於車借者莫彈指貧窮何足嗟百
年徒役走萬事盡隨花

喜符郎詩有天縱

念符不由級屹得文章階白玉抽一毫綠珉已難排偷
筆作文章乞墨潛磨指海鯨始生尾試擺蓬壺渦幸當
禁止之勿使恣狂懷自悲無子嗟喜妬雙喈喈

憑周況先輩於朝賢乞茶

道意勿乏味心緒病無悰蒙茗玉花盡越甌荷葉空錦
水有鮮色蜀山饒芳藂雲根纔翦綠印縫已霏紅曾向
貴人得最將詩叟同幸為乞寄來救此病一作窮劣躬

上昭成閣不得於從姪僧悟空院歎嗟

欲上千級

一作尺

閣問天三四言未盡數十登心目風浪

翻手手把驚魄脚踏陸魂却流至舊手傍掣猶欲奔
老病但自悲古蠹木萬痕老力安可誇秋海萍一根孤
叟何所歸晝眼如黃昏常恐失好步入彼市井門結僧
為親情策竹為子孫此誠徒切切此意空存存一寸地
上語高天何由聞

魏博田興尚書聽婢

一本有之字

命不立非夫人詩

君子耽古禮如饒魚吞鉤昨聞敬媿言掣心東北流魏
博田尚書與禮相網繆善詞聞天下一日一再周

讀經

垂老抱佛脚教妻讀黃經經黃名小品一紙千明星曾
讀大般若細感盼蠻聽當時把齋中方寸抱萬靈忽復
入長安蹴踏日月寧老方却歸來收拾可丁丁拂拭塵
几案開函就孤亭儒書難借索僧籤饒芳馨驛驛不開
手鏗鏗聞異鈴得善如焚香去惡如脫腥安得顏子耳

曾未如此聽聽之何有言德教貴有形何言中國外有
國如海萍海萍國教異天聲各泠泠安排未定時心火
競熒熒將如庶幾者聲盡形元冥

謝李輶再到

等閑拜日晚夫妻猶相瘡況是賢人寃何必哭飛揚昨
夜夢得劍為君藏中腸會將當風烹血染布衣裳勞君
又叩門詞句失尋常我不忍出廳血字濕土墻血字耿
不滅我心懼惶惶會有鏗鏘夫見之目生光生光非等

閑君其且安詳

忽不貧喜盧仝書船歸洛

貧孟忽不貧請問孟何如
盧仝歸洛船崔嵬但載書
江潮清翻翻淮潮碧徐徐
夜信為朝信朝信良卷舒
江淮君子水相送仁有餘
我去官色衫肩經入君
盧喃喃肩經郎言語傾
琪琚琪琚鏗好詞烏鵲
躍庭除書船平安歸
喜報鄉里問我願拾遺
柴巢經於空虛下免塵
土侵上為一作興雲霞
居日月更相鎖道義
分明儲不願空岩

堯但願實工夫實空二理微分別相起予經書荒蕪多
為君勉勉鋤勉不敢專傳之方在諸

御定全唐詩卷三百八十